


B. N. C
FIRENZE
1067
14



X. X. k.

4. V. 2. V.

5. 4.

1067 14





1067 14
LE
TRIOMPHE
DE LA
FLEVR DE LYS;

PRESENTE' AV ROY, LE
*Mardy huitiesme de Iuillet à son en-
tree, en sa ville d'Orleans.*



A PARIS,

Del'Imprimerie d'ANTHOINE DV BRVEIL, rue
S. Jacques, au dessus de S. Benoist,
à la Couronne.

M.D C. XIV.



214119117

87120 NY 135

11.12.18 11.12.18

11.12.18 11.12.18

11.12.18 11.12.18




11.12.18

11.12.18 11.12.18

11.12.18

11.12.18 11.12.18



LE
TRIOMPHE DE LA
FLEVR DE LYS.

*Presenté au Roy, le Mardy, huictiesme de
Juillet à son entree, en sa ville
d'Orleans.*

EILS du plus grand & du plus
inuincible Monarque du mô-
de, LOVVS, à qui les destins
ne promettét pas moins de victoires,
que les Augures en presagerent au va-
leureux Alexandre, auant que le Ciel
l'eust veü naistre ; vous voicy donc
aux portes de vostre ville (ô heureuse
& memorable arriuée,) vous voicy
tout comblé d'honneurs, tout entou-
ré de Couronnes, & tout couuert de
Lauriers, pour donner à nos applau-

dissemens vne ample matiere d'eternelle resiouyſſance; & pour receuoir de nous, comme de vos tres-humbles ſubjets, le Triomphe de la Fleur, de laquelle vous eſtes vn ſacré rejeton.

Ceſte Fleur n'eſt autre, SIRE, que le Lys, à qui nous n'attribuons pas l'Epithete que luy donnent les Poëtes, lors qu'ils le nomment la Roſe de Iunon: Mais nous l'appellons avec plus de raiſon la Roſe de la France, qui ſe conſerue & ſ'eſpanouiſt aupres de voſtre Maieſté, mieux que ne faiſt le tourne Sol, quand il eſt touché des rayons de l'Aſtre qui le domine: Ce qui nous oblige à croire qu'é l'entré ſolemnelle, qu'il plaiſt à V. M. de faire aujourdhuy, dás ſa ville d'Orleans, le Lys y Triomphe en vous, & vous en luy, comme en eſtant le Symbole, & le Hyerogliphe.

Trois choſes ſont remarquables au Lys, SIRE, qui ſe retreuuât en vous

au plus eminent degré de perfection, vous donnent autant d'avantage sur tous les Princes de la terre, qu'au Lys par dessus toutes les autres Fleurs. Peut-on voir vne blancheur comparable à celle du Lys, & peut-on treuver vne candeur, & sincerité pareille à celle de vos ieunes années? l'odeur du Lys est vn poison aux serpens, & les faict creuer: & l'odeur de vostre nom semé par tout l'Vniuers, est vn antidote aux diuisions, qui estouffe les hydres en leur naissance. Et tout ainsi que le Lys paroist tousiours droict & haut esleué; de mesme estant né grand & iuste, la puissance & l'equite sont inseparables d'avec vos Royales actions.

C'est d'oc le Lys qui triomphe aujourdhuy dans Orleans, & qui vous est présenté, SIRE, comme à son souverain Protecteur. V. M. à qui la renommée & la vertu donnent tous leurs

ornemens Trióphaux le tient en main pour vne riche enseigne d'honneur à l'imitation de ces grands Empereurs, lesquels en leurs Triomphantes entrées, portoiet d'ordinaire vn rameau de Laurier.

Les Romains autant exacts en l'obseruation des loix militaires, que soigneux de recompenser leurs Chefs & leurs Princes, ordónerent iadis que ceux qui feroiet leur entree dás Rome feroient Dictateurs, Consuls, ou Preteurs: qu'auant les honneurs du Trióphe, ils s'arresteroient quelque temps hors la ville, pour y attendre le decret du Senat, & qu'on ne pourroit passer outre, sans l'expres aduis des Senateurs, ioint au commun consentemét de tout le peuple. Mais en ce Triomphe du Lys, ou plustost en ceste montre publique de nos felicitez, quels grands aduantages n'auons nous sur eux, puis qu'il s'agit en icelle de la re-

ception de nostre souuerain Prince & Pere de la patrie, & non de l'entr e d'un Preteur, d'un Consul, ou d'un Dictateur. D'o  vi t que tout le peuple haussant les yeux & les mains au Ciel, faict des v us pour la prosperit  de son Roy, qu'elle recoit Triomph t dans sa ville.

Ouy, SIRE, il est vray, l'honneur de vostre pres ce a sur nous le m me pouuoir, qu'auoit iadis le Soleil sur l'Image de Memnon. Elle nous ouure la bouche par la fauorable influence de ses ray s, & nous inspire plus d'acclamations, & d'aplaudissemens d'allegresse, que Cesar n'  receut oncques apres ses conquestes.

La robe Imperiale des plus grands Chefs de guerre faict e de pourpre, tiss e d'or, & enrichie de plusieurs beaux ouurages, estoit vne marque de leur Empire, quand ils entroient victorieux dans leurs villes; Et vostre

manteau Royal tout semé de Lys, représente la grandeur de vostre Frâce, à qui ces Fleurs promettent sous vos Auspices vn comble d'honneurs & de biens.

Ceste Fleur redoutable au Croissant n'est pas telle que les Emblemes inuentez à plaisir, que plusieurs peuples differans de Religion & de mœurs, portoient pour deuises en leurs enseignes de guerre, & où comme en vn seul Azile, ils logeoient toute la force de leurs armées. Ainsi les Perses auoient le Soleil, & le feu, les Thebains, le Sphinx: les Atheniens le Chat-huan; les Romains, le Loup, le Minotaure, le Cheual, le Sanglier, & finalement l'Aigle. Mais nous qui sommes François, ne portons point d'autre enseigne que le Lys, qui nous sont enuoyez du Ciel, comme vn tutelaire Palladium, pour resister à nos ennemis, & pour attaquer l'Infidelle dans son pays.

pays. Et tout ainſi que les Soldats , tant Grecs que Romains , auoyent accouſtumé de iurer par leurs enſeignes de guerre, d'eſtre fidelles à leur patrie ; de meſme nous preſtons le ſerment de fidelité ſur les Lys, de qui nous admirons les Triomphes.

L'on diſt, que le grand Pompée, n'eſtant âgé q̃ d'enuirō treize ans, fut reçu triomphât dans Rome, & qu'il fut le ſeul de tous les Citoyens, à qui l'on defera ceſt honneur. En ce meſme aage, SIRE, V. M. faiſt ſon entrée en ſa ville d'Orleans, où les affectiōs de ſes fidelles ſubjets, ſont beaucoup plus releuées à ſon ſeruiſe, que ne furēt oncques celles des Romains enuers Pompée, de qui les enfans par vne fatalle reuolution des choſes du monde, ſeruirent depuis de trophées d'honneur au Triomphe que Ceſar fit dans Marſeille, au grand meſcontentement du peuple Romain.

Philippes Pere du grand Alexandre, rendoit graces aux Dieux, de ce qu'ils auoient fait naistre son fils du temps d'Aristote. Et nous remercions doublement le Ciel, SIRE, de la grace qu'il nous eslargit maintenant de nous faire viure sous vostre regne; & de satisfaire à nos desirs, par la resjouissance que nous apporte la veüe de V. M. qui nous promet le siecle d'Auguste.

Les dons que les Princes receuoient de leurs sujets en leurs entrées dans les principales villes de leur Royau-me, n'estoient pas petits, & les ceremonies encore plus grandes. Car outre qu'on faisoit des prieres publiques pour leur prosperité, les Temples des Dieux estoient encore ouuerts, où le Senat s'assembloit en corps pour y sacrifier. Tout le peuple auoit part à cette commune resjouissance; & pour en rendre vn plus ample tesmoigna-

ge, chascun oublioit ses affaires particulieres, afin d'honorer l'entrée du Prince, de festins & de ieux solénels.

Ces triomphes furēt deferez à Cesar, & depuis à son successeur Auguste. Le Senat ordonna vingt iours de resiouyssance, pour l'entrée de l'un dedans Rome, apres la conquête des Gaules, & cinquāte pour celle de l'autre en la deliurance de la Colonie de Modene.

A l'entrée de V. M. SIRE, nous luy offrons nos biens, nos volonte, & nos vies. Ces dons sont preferables à ceux des Payens, à la façon desquels nous n'ouurōs pas des temples voüés au culte des Idoles, mais bien des Eglises dediees au seruice du vray Dieu, à qui nous donnons nos cœurs en sacrifice, pour la conseruation de vostre Courōne. Les personnes de toutes qualitez, tant de l'un que de l'autre sexe, participent à ceste ioye. Les

vieillards, & les ieunes, ensemble les veufues, & les vierges en publient des chants d'allegresse ; & l'air mesme se rend calme & serain à vostre arriüée.

Hercule (disët les Mythologistes,) ayant faiët des merueilles en son enfance, & presagé sa future grandeur, par les valeureux effects de les ieunes ans ; parüenu qu'il fut en l'age viril, pour montrer comme il estoit inuincible aux fatigues, il se chargea du fardeau d'Athlas, tesmoignât par là que ses forces s'esleuoient plus haut que la terre.

Vous faiëtes bië d'auätage, SIRE, car en l'âge où vous estes maintenant, vous sountenez desia le Ciel de la Fräce. Ce beau Ciel où les Fleurs de Lys tiennent plasse d'estoilles ; & où les Roys Tres-Chrestiens vos deuanciers se sont rendus des Herôs, se repose beaucoup mieux sur l'autorité de vostre nom, que ne faisoient les Per-

ses sur le pouuoir de leur ieune Prince, le berceau duquel porté dans les armées leur suffisoit, pour s'asseurer d'une heureuse victoire.

Ces honneurs, ou pour mieux dire, ces marques de nostre obeyssance qu'il plaist à V. M. d'accepter maintenant de nous ses tres-humbles sujets ne sont que des Ouations. Nous les accompagnerons vn iour de plus grâds triomphes, lors qu'ayant enclos dans la Couronne des Lys, toutes les Couronnes que les anciens Cappitaines distribuoient à leurs soldats, V. M. n'entreprendra rien, que la vertu & la fortune ne fassent reüssir selon son deffain.

Nous verrons alors toute la Frâce avec no^r, vn Char tout chargé de trophées & de despoüilles; deuant lequel paroistront les captifs encheinez, ensemble les pourtraicts des conquestes que vous aurez faictes par le droit des

armes, avec ce mot pour deuise, *Le Triomphe des Fleurs de Lys.*

Que s'il est vray (comme dict vn Ancien,) que rien ne peut approcher des honneurs du Triomphe, & que toute autre gloire, pour grande qu'elle soit, cede à celle de la victoire; quels plus beaux vœux pouuons-nous faire pour V. M. sinon qu'il plaie à Dieu d'esgaller ses années à celles qu'Homere attribué à Nestor, afin que vostre France se maintienne tousiours fleurissante, contre les efforts de l'enuie & du temps.

Nous le souhaittons, SIRE, & que suiuant les pas de ce grand saint, de qui vous estes iuste heritier, & de Royaume & de nom, vous alliez porter vn iour vos armes victorieuses en la Palestine, & semer les Lys dans la terre des Infidelles. Le Ciel le veuille ainsi pour la plus grâde gloire de tous vos bons seruiteurs, & au deladuantage

des ennemis de la Chrestienté.

Vovla le comble de nos desirs,
 SIRE, afin qu'à la façon des anciens
 Capitaines, vous paroissiez tout chargé
 de Palmes & de trophées. Vostre
 valeur accroistra celle de vos sujets,
 lors qu'ayant conquis vn nouveau
 monde, plus par amour, que par force,
 la victoire secondera vos dessains,
 vous rendant la terreur de vos ennemis,
 & les delices de vos sujets.

F I N.

Z

1067









MC

